

BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1089-1/12
Sarajevo, 28. 6. 2012. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:	29-06-2012		
Organizaciona jedinica	Administrativna jedinica	Redni broj	Broj priloga
01	50-19	446	12

Veza: 01-50-1-15-25/12

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničku inicijativu, dostavlja se

Vijeće ministara Bosne i Hercegovine je na 11. sjednici održanoj 20. 6. 2012. godine utvrdilo Odgovor na zastupničku inicijativu koju je uputio Šemsudin Mehmedović, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegova dostavljanja zastupniku.

S poštovanjem,



GENERALNI TAJNIK

Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-1089-1/12
Sarajevo, 25. 6. 2012. godine

Šemsudin Mehmedović, poslanik u Predstavničkom domu Parlamentarne skupštine Bosne i Hercegovine, na 25. sjednici Predstavničkog doma, održanoj 29.03.2012. godine, podnio je sljedeću inicijativu:

„ U skladu sa članom 8. Poslovnika Predstavničkog doma Parlamentarne skupštine BiH („Službeni glasnik BiH“, br. 33/06, 41/06, 81/06, 91/06, 91/07 i 87/09) pokrećem inicijativu za izradu Zakona o restituciji. “

Na podnijetu inicijativu, Vijeće ministara Bosne i Hercegovine je na 11. sjednici, održanoj dana 20. 6. 2012. godine, utvrdilo sljedeći

ODGOVOR

Vijeće ministara Bosne i Hercegovine je na 64. Sjednici održanoj 30.10.2008. godine, donijelo zaključak da se pristupi izradi Prijedloga zakona o denacionalizaciji i zadužilo ministra pravde Bosne i Hercegovine da imenuje radnu grupu u čiji sastav bi pored predstavnika Ministarstva pravde trebali biti uključeni i predstavnici Ministarstva finansija i trezora, Ministarstva civilnih poslova i Ministarstva za ljudska prava i izbjeglice. Istovremeno radna grupa je zadužena da pripremi Prijeloga zakona o denacionalizaciji.

Radna grupa je nakon toga održala više sastanaka, razmotrila sve verzije Zakona o denacionalizaciji koji je ranije bio dostavljen Parlamentarnoj skupštini Bosne i Hercegovine i koji je odbijen i obavila konsultacije sa nevladinim sektorom, a naročito sa predstavnicima Međureligijskog vijeća Bosne i Hercegovine.

U pismenim aktima i na satancima od strane Međureligijskog vijeća BiH je istaknuto da se u osnovi podržava raniji tekst Prijedloga zakona o denacionalizaciji, ali su ipak predložili da se taj zakon dopuni, po njihovom mišljenju drugačijim i boljim rješenjima.

Prijedlog zakona o denacionalizaciji je u skladu sa Pravilnikom za provođenje pravila za konsultacije u izradi pravnih propisa u Ministarstvu pravde Bosne i Hercegovine, stavljen na web stranicu Ministarstva pravde Bosne i Hercegovine dana 06.07.2009. godine. Na navedenoj stranici su date instrukcije o načinu dostavljanja komentara u roku od minimalno 30 dana.

Zakon o denacionalizaciji je izazvao veliko zanimanje javnosti, pa je Ministarstvo pravde Bosne i Hercegovine izvršilo na ovaj način i dodatne konsultacije, jer Zakon proizvodi promjene ekonomskog statusa lica u dijelu koji se odnosi na imovinska prava. Na Prijedlog zakona dostavljeno je 45 primjedbi, prijedloga, mišljenja i sugestija.

Nakon razmatranja dostavljenih primjedbi, prijedloga, mišljenja i sugestija od kojih su osnovane ugrađene u tekst, pripremljen je konačan Prijedlog Zakona o denacionalizaciji, na koji je dana 12.10.2009. godine, u skladu sa članom 31. Poslovnika o radu Vijeća ministara Bosne i Hercegovine ("Službeni glasnik BiH" broj 22/03), zatraženo mišljenje od Ministarstva finansija i trezora Bosne i Hercegovine i Ureda za zakonodavstvo Vijeća ministara Bosne i Hercegovine o usaglašenosti Zakona sa Ustavom Bosne i Hercegovine i potrebnim finansijskim sredstvima za sprovođenje zakona kao i finansijskim aspektima Zakona.

Ministarstvo finansija i trezora Bosne i Hercegovine i Ured za zakonodavstvo Vijeća ministara Bosne i Hercegovine su dali mišljenje i predložili da se Prijedlog Zakona dostavi vladama entiteta i Brčko Distrikta Bosne i Hercegovine koji trebaju dati svoje mišljenje sa stajališta fiskalne održivosti implementacije regulirane ovim Zakonom.

Ministarstvo pravde Bosne i Hercegovine je dana 03.12.2009. godine od vlada entiteta i Brčko Distrikta Bosne i Hercegovine zatražilo mišljenje o Prijedlogu Zakona. Uz zahtjev je dostavljen Prijedlog zakona o denacionalizaciji sa obrazloženjem, studija izvodljivosti restitucije u Bosni i Hercegovini, koju je uradio Ekonomski institut iz Sarajeva (srpanj 2006.godine), mišljenje Ministarstva finansija i trezora Bosne i Hercegovine broj: 01-05-02-2-6487-2/09 od 04.11.2009. godine i mišljenje Ureda za zakonodavstvo Bosne i Hercegovine broj:01-02-837/09 od 16.09.2009. godine.

Aktom Vlade Republike Srpske broj: 08.040/020-62/10 od 03.02.2010. godine, koji je primljen 09.02.2010. godine, Ministarstvo pravde Bosne i Hercegovine je pored ostalog upoznato da je „Vlada Republike Srpske mišljenja da se navedeni Zakon ne treba donositi na nivou BiH i da je donošenje istog isključivo u nadležnosti Republike Srpske“.

Imajući u vidu stav Vlade Republike Srpske, Zakon o restituciji/denacionalizaciji će biti moguće uputiti u proceduru usvajanje, kada se postigne saglasnost entitetskih vlada za njegovo usvajanje na nivou Bosne i Hercegovine.